

**DEPATMAN-DETA ETA NEW YORK (NYS DEPARTMENT OF STATE)
DIVIZYON DISTRIBISYON LISANS (DIVISION OF LICENSING SERVICES)**

**ENFÒMASYON SOU EGZAMEN
KOSMETOLOJI PRATIK**

*NYS Department of State, Division of Licensing Services, One Commerce Plaza,
PO Box 22001, Albany, NY 12201-2001*

Orè Egzamen Pratik la

NÒT: Ou ka pwograme egzamen pratik ou swa anvan oswa apre ou pase egzamen alekri a avèk siksè.

Ou DWE pwograme egzamen pratik la sou entènèt. Apre nou apwouve aplikasyon ou, n ap voye yon imèl ba ou nan adrès imèl ou bay nan aplikasyon ou. Imèl la ap gen yon lyen kote ou ka pwograme egzamen ou.

Ou dwe peye yon frè \$15 dola nan moman w ap pwograme egzamen ou. Frè sa a pa ranbousab. Si ou bezwen re-pwograme egzamen ou, ou DWE fè sa omwen sis jou anvan dat ki pwograme pou egzamen ou pou pa tonbe anba sanksyon (n ap sezi frè \$15 dola a). Si ou ta dwe anile randevou ou, si ou ta dwe rite anreta nan egzamen pwograme ou, oswa si ou pa vini pou yon egzamen ki pwograme, w ap pèdi frè egzamen an.

Nòt: Si ou prezante dokiman apwopriye pou mande aranjman espesyal pou egzamen yo, yon reprezantan Divizyon Sèvis Distribisyon Lisans (Division of Licensing Services) ap kontakte ou avèk orè egzamen a.

Aksè nan Egzamen Pratik

Pou antre nan egzamen sa a ou DWE pote yon fòm idantifikasyon gouvènman bay ki gen siyati ou epi ki dwe gen foto ou. Idantifikasyon ou **DWE AJOU** (pa ekspire) epi li dwe nan lis ki anba la a:

- Lisans chofè ou
- Idantifikasyon leta bay (egzanp: ID ki pa Lisans Chofè)
- Kat IDNYC (Kat Idantifikasyon NYC)
- ID militè
- Paspò Ameriken
- ID yo Bay nan United States INS
- Sètifika Sitwayènte
- Paspò Peyi Etranje
- ID Konsila Meksiken oswa Ekwatoryen

Ou DWE pran tout randevou yo nan EGZAKTEMAN non ki parèt nan idantifikasyon ou. Sa pa gen dezyèm prenon oswa inisyal dezyèm prenon ladan. Si non fanmi ou gen tirè, tanpri asire ou mete prenon ak non fanmi ou. Si non ou pa menm ak ID ou egzakteman, nou gen dwa pou refize ou antre nan sal egzamen an.

Preparasyon pou Egzamen Pratik Ou

Ou ta dwe rive pou egzamen ou avèk rad apwopriye pou bay sèvis kosmetoloji a. Konsènan aparans ak pwofesyonalis, n ap mande ou pou konfòme ou avèk règleman sa yo:

- 1) Ou dwe mete yon rad sou ou ki pwòp epi ki lave.
- 2) Soulye fèmèn ak soulye talon fèmèn ki kouvri anlè pye ou (pa twal).
- 3) Evite gwo bijou oswa bijou ki pandye.
- 4) Nou PA bay pèmisyon pou manje chiklèt ni pou itilize telefòn selilè.
- 5) Lave men ou avèk savon ak dlo anvan ou rive.

Ou dwe vini avèk yon manniken nan egzamen an jan sa endike nan lis materyèl la. W ap diskalifye si ou pa fè sa.

Ou dwe pote materyèl ak zouti egzamen pa ou jan sa endike nan lis materyèl la. Si ou pa bay nenpòt nan materyèl ak zouti ki nesèsè yo sa ka lakòz ou pa jwenn pèmisyon pou fè kèk nan metòd egzamen an.

Pwosedi Egzamen Pratik

Egzamen pratik kosmetoloji gen ladan yon seri travay ou dwe fè nan yon limit tan yo ba ou pou chak pwosedi. W ap gen obligasyon pou demontre pwosedi sa yo nan peryòd tan ki endike a:

Aparans Pwofesyonèl, Preparasyon nan Espas Travay la ak Preparasyon Kliyan an

Teknik pou Koupe Cheve (50 minit)

Teknik pou Seche Cheve pandan Kwafi (15 minit)

Teknik Fè Tèmik pou Pase Cheve - Avèk Fè Electric Marcel (15 minit)

Demonstrasyon Teknik yo:

Plasman Woulo - Anlè Tèt la (10 minit)

Ondilasyon Pèmanan - Bò Goch (10 minit)

Ondilasyon Bouklèt Dyagonal Woule/Fòm C - Bò Dwat (10 minit)

Ondilasyon avèk Dwèt - Dèyè Tèt la (10 minit)

Sèvis Chimik:

Similasyon Bouchaj - Fwon Dwat (15 minit)

Similasyon Kolorasyon Cheve (Retouch) - Dèyè Adwat (10 minit)

Restriktirasyon Chimik - (Vyèj) - Fwon Goch / **(Retouch)** - Dèyè Agoch (25 minit)

Netwayaj Zòn Travay

Travay pwosedi egzamen an ak èd vizyèl disponib sou sitwèb nou nan www.dos.ny.gov. Ou ka enprime imaj sa yo epi ou ka pote yo pou itilize nan egzamen an; men, nou pa aksepte ou pote nò ekri. Egzamen kosmetoloji pratik la ap pran apeprè 3½ èdtan pou fè li.

Ou dwe konfòme ou avèk pwosedi kontwòl sekirite ak enfeksyon pandan tout egzamen an. Ou dwe fè yon nòt 70 pousan pou pase egzamen sa a.

Enfòmasyon pou Pran Kontak

Ou ka kontakte Inite Egzamen Pratik Depatman-Deta (Department of State's Practical Examination Unit) depi ou rele nimewo (518) 473-2740, oswa pou jwenn enfòmasyon jeneral, rele Divizyon Sèvis Distribisyon Lisans nan nimewo (518) 453-8130. Tanpri ou mèt ale sou sitwèb nou nan www.dos.ny.gov pou jwenn plis enfòmasyon sou distribisyon lisans. Sizoka gen move tan, tanpri tcheke sitwèb nou pou detèmine si n ap bay egzamen ou.

Rezilta Egzamen yo

N ap fè ou konnen nan imèl lè rezilta egzamen an disponib. Ou dwe konekte sou kont Sant Lisans Eta New York (NYS License Center) ou pou wè rezilta yo anba seksyon egzamen. Moun ki aplike epi ki pase egzamen ekri ak egzamen pratik la, ap resevwa yon Lisans Kosmetoloji Depatman-Deta Eta New York. Si ou pa pase egzamen an, ou dwe konekte nan kont Sant Lisans Eta New York ou pou pwograme yon lòt egzamen. Nou P AP bay rezilta yo nan egzamen an oswa nan telefòn. Ou pa ka konteste rezilta egzamen an.

Fason pou Mande yon Analiz

Si ou pa pase egzamen an, ou ka mande yon analiz egzamen pratik ou. Yon analiz se yon rapò oswa yon repatisyon nòt egzamen pratik ou pou ede ou idantifye pwen fò ou ak pwen fèb ou. Ou dwe mande yon analiz nan 60 jou apre dat egzamen ou. Ou p ap bay analiz yo pou moun ki fè yon nòt pasaj nan egzamen pratik la.